

傷寒心要 全
脈訣歌 全


傷寒心鏡 全
局方發揮 全



漢書門		一	二	三	四	五	六	七
類		七	六	五	二	二	九	六
冊		七	六	五	二	二	九	六
架		七	六	五	二	二	九	六
函		七	六	五	二	二	九	六
號		七	六	五	二	二	九	六

內閣文庫		漢	
番號	漢	12967	
冊數	75 (36)		
函號	301	59	

三十七



綴じ部(喉部分)の文字等が開きが不鮮明な場所あり

大學東
校典藉
局之印

海間傷寒心要

傷寒心要論

都梁 錫洪 編
新安 吳勉學 校

夫傷寒者前三日在表法當汗 可用雙解散連進
數服必愈若不解者病已傳變後三日在裡法當下
殊不知下之太早則表乘虛入裡遂成結胸虛痞
懊憹斑疹發黃之証輕者必危危者必死但當以
平和之藥宣散其表和解其裡病勢或有汗而未
愈或無汗而愈當用 二小柴胡涼膈天水三藥合

易經公要

而服之

病若半在表半在裡法亦當和解三小柴胡涼膈主之

若裏熱微者則當微下四大柴胡合解毒湯主之熱

勢未退 又以大柴胡合三一承氣下之兩除表裏

之熱病至七八日裏證已甚表熱漸微脉雖浮數

則以三一承氣合解毒下之

其病胸膈滿悶或喘或嘔陽脉緊甚者七可用瓜蒂

散涌之

汗吐下三法之後別無異証者 涼膈散調之

病熱已去微熱者 以益元散服之無令再病此傷

寒治法之大要也

或傷風自汗脉浮緩者十雙解去麻黃以汗之

其病半表半裏十一白虎湯和解之

病在裏脉沉細者無問風寒暑濕或表裏証俱不見

或內外諸邪所傷有汗無汗心腹滿滿譫語煩躁畜

熱內盛但是脉沉者並用十二承氣合解毒下之

或中暑自汗 解以白虎湯直格云夏至前為濕夏

用白虎宜乎局方云立秋後不用白虎子和

白虎解後 以五苓合天水調之多進數服無妨

或腹脹滿脉沉者

亦當承氣合解毒微下之

發汗之後熱不解脉尚浮者

十六白虎加蒼朮再

解之

或裏熱內盛陽厥極深皆因失下而成此証以致身冷脉微昏懵將死切不得以寒藥下之誤下即死又一輩庸醫妄言是陰厥便欲易換用玄武四逆温熱之劑投之下咽立死殊不知此証乃陰耗陽竭陰氣極弱謂之耗陽厥極深謂之竭畜熱怫鬱將欲絕者當此之証寒劑熱劑俱不可投但進涼膈解毒十七以養陰退陽宣散畜熱脉氣漸生得大汗而愈有無

汗氣和而愈者

未愈却解毒合承氣

十八下之次以解毒涼膈天

合而為一

十九調和陰陽洗滌臟腑則其他別証自

不生矣

有大下之後熱不退再三下之熱愈盛若下之不愈脉微氣虛力弱不加以法則無可生之理若輟而不下則邪熱極盛陰氣極衰脉息斷絕必不可救似此之証是下之亦死不下亦死醫者到此活人殺人一彈指間其不至手足失措者幾希矣

直格云傷寒汗後汗出不解或反不汗脉尚浮白虎加蒼朮湯再解之又按餘論云傷寒下後自汗虛熱不已白虎加蒼朮人參一服如

神活止身涼此通仙之法也如此則汗下之後熱不退不問有汗無汗宜白虎加蒼朮解之又加人參

亦妙仍服涼膈解毒調之

經云三下而熱不退者即死後人有四五次下以十數行而生者此乃誤中耳活者未一二死若千百後學切不可為法但當依前用解毒合涼膈調之使陽熱徐退陰脉漸生庶不失人命

若傷飲不解散成結胸之証臨時擇用二十大小陷胸湯丸累下之脉浮者不可下是表証未出小柴胡合小陷胸湯二十一投之脉雖浮而熱大極者二十二承氣徐徐踈利之

或有留飲過度濕熱内生自利不止其熱未退二十三解毒湯治之

陽毒生斑二十四涼膈加當歸

怫鬱熱盛在表燥而無汗濕熱在裡不能發於外相搏遂成發黃二十五茵陳湯調五苓散甚者二十六茵陳

合承氣下之

煩心不得臥二十七梔子湯

悞下太早遂成結胸虛痞二十八涼膈加枳殼桔梗剛

柔二瘕譫語發狂踰垣赴井皆陽熱極盛者二十九承

氣合解毒下之

汗下之後煩渴飲水則三十涼膈減桂五苓甘露益元選而用之小便不通五苓泄之大便閉結承氣下之更有外證加減通聖散方內隨證用藥

婦人證治皆然惟孕婦三四月并七八月不用硝其餘月分用之無妨

小兒減劑服之

此中有古人治傷寒不傳之妙後之學者其慎寶之

第一雙解散

防風通聖散

防風

去蘆

川芎

當歸

焙

赤芍藥

大黃

麻黃

連翹

芒硝半兩

石膏

黃芩

去腐

桔梗

一兩

甘草二兩

滑石

三兩

荆芥

白朮

梔子

二錢半

右為散每服三錢水一盞薑三片煎六分溫服大黃芒硝麻黃三味對証旋入自利去大黃芒硝自汗去麻黃

天水散

益元

六一

滑石

六兩

甘草

一兩

右為末每服三錢溫蜜水調暑月冷水亦可和解

傷寒傷風發汗葱白五寸豆豉五十粒煎一盞調
四五錢并三服解利為度加薄荷尤妙
通聖合益元

右七兩和勻每服三錢水一盞半葱白五寸豆豉
五十粒姜三片煎一盞溫服

第二 小柴胡涼膈天水合服

小柴胡湯

北茈胡三兩 黃芩 人參 半夏

生薑 甘草 大棗一兩

右為散每服五錢

涼膈散

連翹二兩 梔子 大黃 薄荷

黃芩一兩 甘草 芒硝

右為散每服三錢水一盞煎七分入蜜少許竹葉
五片

第三 涼膈合小茈胡

第四 大柴胡合黃連解毒湯

大柴胡湯

柴胡去苗 大黃半兩 黃芩 白芍藥一分

半夏泡七次二錢 枳實生三錢

右為散分三服水一盞半生姜三片大棗一枚煎

半盞溫服

黃連解毒湯

黃連

黃蘗

黃芩

梔子

等分

右為散每服半兩水一盞煎五分溫服

第五 大柴胡合三一承氣湯

三一承氣湯

大黃

芒硝

厚朴

枳實

各半兩

甘草 一兩

右剉每服二錢半水一大觥姜三片煎六分入硝

再煎一二沸

第六 承氣合解毒湯

第七 瓜蒂散

瓜蒂

赤小豆

等分

右為末豆豉湯調下一錢未吐再服

第八 涼膈散

第九 益元散

風

第十 雙解散

第十一 白虎湯

知母 兩半 甘草 一兩 粳米 一合 石膏 四兩

右剉每服五錢水一錢煎六分温服

第十二 承氣合解毒湯

暑

第十三 白虎湯

第十四 五苓散合天水散

五苓散

猪苓

伏苓

三錢 去皮

官桂

一分

澤瀉

一兩

白朮

一錢

活人書 三分 宜明論 半錢

右細末

第十五 承氣合解毒湯

第十六 白虎湯加蒼朮

第十七 涼膈合解毒湯

第十八 解毒合承氣湯

第十九 解毒涼膈天水合

結胸

第二十 大小陷胸湯丸

大陷胸湯

大黃

芒硝

三錢

甘遂

三字七

右剉四錢水一錢煎大黃六分內消再煎一二沸

內甘遂溫服未利再與

小陷胸湯

半夏四錢 生姜切 黃連二錢 栝婁實半箇

右剉水三盞煎栝婁至盞半內藥煎至一盞分作

兩服

大陷胸丸

大黃半兩 葶藶二錢 芒硝一錢

杏仁十二枚 去皮尖炒變色

右大黃為末研葶藶杏仁為膏圓如彈子大甘之末三字蜜半匙水一觔煎半觔溫服一九一窅乃

下未利再與

第二十一小茈胡合小陷胸湯

第二十二承氣湯

大黃者 芒硝者 厚朴者 枳實者

右剉如麻豆大分一半用水一碗半生姜三片煎

至六分納硝煎一二沸絞去滓熱服

第二十三解毒湯

發斑

第二十四涼膈散加當歸

發黃

第二十五茵陳湯調五苓散

茵陳湯

茵陳 一兩 大黃 半兩 梔子 十

右剉水二盞煎一盞溫服利為度

第二十六茵陳合承氣

煩心不睡

第二十七梔子豉湯

梔子 七箇 豆豉 二合

右水二盞先煮梔子盞半內豉 半盞

第二十八五苓空腸煎涼膈加桔梗 枳殼

剛柔二瘵

第二十九承氣合解毒湯

汗後煩渴

第三十涼膈減桂 五苓 甘露 益

甘露飲

茯苓 澤瀉 甘草 石豆

寒水石 二兩 白朮 桂枝 猪 半兩

滑石 四兩

右為末每服三錢湯調或新汲水姜湯尤妙

右共十八方如無大承氣係第五二承氣代之

亦妙通三十九件藥味調理傷寒中盡其妙百發
百中後之學者詳辨脉證審而用之起沉痾於指
掌策竒功以活人方知其妙也

新增病後四方

小半夏湯治汗下後嘔吐不已

半夏 五兩 赤茯苓 二兩

右剉每服半兩水二盞煎至一盞投姜汁更煎一

二沸

五味子湯治汗下後氣閉咳嗽

五味子 兩 麥門冬 人參

杏仁

陳皮 生姜 一錢 棗子 二枚

右剉每服二錢水二觔煎一觔作二服

大橘皮湯治汗後胃虛

陳皮 甘草 一兩 人參 二兩

右剉每五錢水盞半姜二片煎至一盞温服

赤茯苓湯治胸膈滿悶頭痛已得汗者

陳皮 甘草 人參 半夏

川芎 白朮 等分

右剉每服五錢水盞半姜三片煎一盞温服

傷寒心要餘論

傷寒心法 十一
五臟六腑應五運六氣凡病微則當其本化其則兼其鬼賊之化亢則害承乃制微則是其本經本臟之本化造化之化也病甚則如金衰不能制木木則生火木火者皆陽也故風火多兼化則風熱相搏賊其金也

臟腑之氣應乎三陰三陽實則行乎本化之氣瀉之衰則行其勝已之氣瀉之是為殺其鬼賊也

如諸陽畜熱以涼膈合解毒服之解散極熱

如瀉火熱解毒調胃承氣是也

如吐法用二仙散

如調理傷寒白虎涼膈合服解之

傷寒三日以裡連進雙解如無汗必是傳變待三四日之間以小芫胡解表裏之熱仍間服白虎涼膈蘊熱七八日之間欲下而表證猶在以大承氣湯大芫胡湯雙行并煎攻裏發表最為穩當若是溫熱內甚自利者止涼膈却進解毒間白虎服之或惡心乾嘔吐者白虎大作一劑調解毒末五錢服之即止大小便不通併有腹痛不能忍者以無灰酒煎朴硝三兩熱服即愈亦按從治之法也熱中伏寒下之矣或大承氣湯加木香瀉之尤妙

傷寒失下始病時又誤服麻黃熱劑大甚必致熱極或有陽厥極深身冷脉微陽極似陰之證庸醫以為陰證是也須當辨其陰以白虎涼膈自進三服脉氣漸生身體漸温然後以大承氣下之夫大承氣救急之妙劑如咽膈吐逆不利當令熱服開其鬱結利而即愈也

如傷寒汗下之後自汗虛熱不止於白虎湯加人參蒼朮一服如神汗止身涼此法至妙不容詳盡

如赤白痢先服黃連阿膠丸次服解毒湯

傷寒瘡瘍破傷風與傷寒治法一同但以雙解涼膈

白虎承氣臨時斟酌用之雙解涼膈白虎瀉心此傷寒之妙劑

孕婦臨月可服益元涼胎產後仍服如血不盡則以涼膈與四物合煎調理經血甚者大承氣合四物乃瀉中有補也

涼膈同四物名玉燭散婦人產後之妙劑

涼膈四物合大承氣湯名三和湯

大承氣合四物治婦人一切血積血聚等疾加紅花尤妙初生小兒五七日有熱證不得已只以益元散時時灌之如小兒夜啼用涼膈調之肚饑臨睡服

凡瘡瘍癰瘰涼膈加當歸治之

附張子和心鏡別集

鎮陽 常德 編

新安 吳勉學 校

傷寒

傷寒論雙解散

守真制雙解散通聖益元各七八分入生姜葱白煎
解傷寒三二日間以其初覺亦傷寒疑似之間解表
恐傷於內然攻裡恐傷於表故制雙解以其表裡齊
見俱解甚為得法然間有不解猶未盡善也子和增
作法亦用前藥煎一碗令飲其半探引出風痰次服